



**R.D. Iacobi Marchantii, Pastoris Et Decani Covviniensis  
SS. Theolog. Professoris, Rationale Evangelizantivm**

**Marchantius, Jacobus**

**Coloniae Agrippinae, 1661**

Dom III. post Pentecosten, Lect. 3. tripart. Hic peccatores recipit, & manducat cum illis. 1. pars ostendit quam meritò ad Christum erant appropinquantes peccatores. 2. quam immeritò ea de ...

---

[urn:nbn:de:hbz:466:1-56372](https://nbn-resolving.org/urn:nbn:de:hbz:466:1-56372)

rum, undique concurrerent Iudæi ex tota Palestina propter obligationem legis: imo & ex omni natione quæ sub celo est, ut factum est in die Pentecostes Parthi, Medi, Ælamitæ, & qui habitant Mesopotamiam, Cappadociam, Pontum, & Asiam, Phrygiam, & Pamphiliam, Ægyptum & partes Lybiæ, & advenæ Romani, Cretes, & Arabes. In Jerusalem enim quasi matrice & metropoli Synagoga, erant collegia & hospitia omnium gentium: & Iudæi qui per gentes toto orbe erant dispersi obsecrantes, præsertim Antiochi Epiphaniæ, & Profelyti qui oriundi ex Gentibus Iudaismum ce-rant amplexi, confluebant in Jerusalem, & in templum ejus religionis gratia. Hoc ergo miraculo ascribitur, quod nunquam templum istud imple-ritur ita fuerit, ut propter loci angustias aliquis excludi deberet, Figura, hic erat, cum Ecclesiæ, cum Domus Dei æternæ. Ad Ecclesiam concurrunt ex omni populo & lingua, ex omni quæ sub celo est natione, nec ullos excludunt. Ad domum quoque Dei æternam concursus fit ab Oriente & Occiden-te, à Meridie & Septentrione per portas tres in no-mine Trinitatis, & adhuc locus est, O quam magna est domus Dei & ingens locus possessione ejus: Tandem autem janua claudetur, & cœnabiturque domus illa impleta, quando impletus erit numerus conviva-rum, de quibus Dominus: Multi venient ab Oriente & Occidente, & recumbent cum Abraham, & Isaac, & Jacob in regno Cælorum: Filiis autem regni ejiciuntur in tenebras exteriores, ubi erit fletus & stridor dentium; quia scilicet vocati noluerunt venire.

Optat porro Deus, optat etiam ipsi Beati hunc numerum quanto citius impleri; ideo dicit Patrefamilias: Exi cito in plateas. Vult festinare servum qui mittitur, ut etiam festinent qui vocantur. Non solum molesti sunt invitanti qui tergiversantur, vel se excusant, sed etiam aliis invitatis qui jam vene-runt: Sicut enim in cœna hujus sæculi à Patrefami-lias multis præparata, molestum est his qui primo advenerint, si cogantur diu expectare alios morose venientes; & molestius quidem, si instante jam ho-ra cœna oporteat aliquibus se excusantibus huc il-luc mittere, quia non vult Patrefamilias accumbe-re, nisi mensa sit plena accumbentibus: ita quadam ratione in cœna Dei conferuntur. Sanctis importunum, quod invitatis se excusent, quodque numerus invi-tatorum quanto citius non adimpleatur, quia dif-fertur per id gloria corporis eis debita; sicque non est consummata & plenissima refectio, donec adve-nerit ultimus electorum. Attende responsum da-rum animabus Martyrum conquerentibus: Usquequo Domine non judicatis & non vindicatis sanguinem nostrum? Respondetur enim eis, ut requiescant ad-huc tempus modicum, donec compleantur conservi co-rum. Anima illæ non tam ex zelo vindictæ quaerun-tur, quam ex zelo justitiæ, quod sanguis injuste ef-fusus, & corpora injuste occisa non restituantur eis, sed adhuc in morte detineantur; & respondetur eis, quod numerus conservorum ipsorum prius debeat

compleri, antequam corpore glorioso vestiantur; sic plenam beatitudinem corporis & animæ non sunt habituri, nisi compleatur numerus electo-rum. Merito ergo Deus quasi ea de re sollicitus mittit servum, qui cum festinatione advocet eos qui hunc numerum implent; & si qui videantur oscitantes & tardigradi, jubet ut eos compellat, hoc est urgeat, trahat, obsecret oportune, impor-tune; & omnem in hoc impendat operam & dili-gentiam, voce & exemplo, ut veniant, ita ut vi-deatur quodammodo cogere; & id quidem ne ni-mium alii retardentur, expectantes fratres suos ut accumbant convivio plenissimo. Unde locum citatum ex Apocal. sic explicat, & huc applicat S. August. sermone 11. de Sanctis, ubi sic ait; *Ta-bili modo loquitur Deus Sanctus, velut quilibet Patrefami-lias habent multos filios, singulique de agro reverentibus, & rogantibus ut cibum sibi tribuat, respondet: Refectio quidem vestra parata est, sed expectate fratres vestros, ut cum in unum posui fuerint, omnes in commune comedatis.* Hæc Aug.

Itaque festinemus & nos quandoquidem festi-nare jubet Dominus servos suos nos vocantes: festi-nemus, inquam, ad illam vocati cœnam, nec va-nas queramus excusationes. Relinquamus vias er-roneas, lutosas, lubricas, tritas à plebe pereunte; abstrahamur à sepiibus, à vitis & peccatis spinosis, sequamurque Domini vocationem, & servorum ejus instructionem, quæ nobis viam securam præ-monet. Non inveniamur increduli, non rebel-les, non exasperantes, non ingrati illi qui digni-tur nos vocare, & servos suos ad nos mittere. Nec molesti & importuni inveniamur fratribus nos ex-pectantibus, quorum differunt gloria, dum ear-damus, dum non pie vivimus, dum gratiæ vo-canti non respondemus; si enim vocem & manum ducentis sequeremur, mox conservorum numerus impleteretur; & sequendo fratrum nostrorum ve-stigia, ejusdem cœnæ & gloriæ particeps effice-remur. Dicam ergo cum Apostolo. *Festinemus ingredi in illam requiem, ut ne in idipsum quis incidat in-credulitatis exemplum; & non simus de illis quibus non profuit sermo auditus, non admissus fidei ex his quæ nu-diterunt.* Hodie si vocem ejus audieritis, nolite obdurare corda vestra. Ad suam vocem aures nobis aperiat & corda, qui est benedictus in sæ-cula.

DOM. III. POST PENTECOSTEN. *Hic peccatores recipit, & manducat cum illis.* Luc. 15.

Christus Dominus ingreditus Synagogam re-pperit librum Isaie Prophete: quem & ubi re-volvit, invenit locum ubi scriptum erat: *Et dicitur super me propter quod unxit me; & Evangelii quasse. xare pauperibus misit me sanare contritos corde præ-dicare captivis remissionem, & cæcis visum, dimit-ti.* Isa. 61.

Conclu.

Heb. 4.

Lect. 3. tripart. PARS I. Reus pec-catores

sero

Rational. Evang.

confractos in remissionem, predicare annum Domini acceptum, & diem retributionis. Et cum pliuisset librum, reddidit ministro, & sedit. Et omnium oculi erant intendentes in eum. Cepit autem dicere ad illos: Quia hodie impleta est haec scriptura in auribus vestris. Equidem spiritus suavitatis & benignitatis ungerat Jesum quapropter repletus unctioe suaveolente, facile ad se attrahebat peccatores & publicanos, ut medereret eis, ut sanaret contritionem cordis eorum, ut vincula eorum dissolveret, ut annuntiaret ipsis nuntium acceptabile remissionis peccatorum, ut spiritus & unctio nis sua faceret eos cum laetitia confortes.

Tim. 1.

S. Th. 3.

p. q. 1. a.

Erant appropinquantes ad Jesum publicani & peccatores; & ipse officium nominis sui, munus missionis suae absque dubio erga nos exercebat. Fideles sermo & omnium mundum peccatores saluos facere, inquit Apostolus. Hoc ita fuit ejus officium, haec quae missionis causa, ut dicant plerique Theologi, quod Christus non venisset, nisi peccatum fuisset. Saltem, consentientibus omnibus Theologis, Filius Dei in carne mortali & passibili tot miseris obnoxius nullatenus advenisset; nisi Adam peccasset, & in eo ejus posterii involuti fuissent peccato. Omnia enim quae in carne passus est, ad peccatorum nostrorum ordinata fuere medelam: Tolle morbos & vulnera, nulla erit medicina causa, inquit S. August. serm. 9. de verbis Domini, non descendisset Pastor relinquens nonaginta novem oves in deserto, nisi centesima aberrasset, qua quaerenda erat, sananda, reducenda. Accedite igitur agri ad Medicum, accedite oves ad Pastorem, appropinquate publicani & peccatores ad Jesum. Immo potius accedat ad vos benignus Medicus, accedat Pastor pius, accedat ad vos Salvator Jesus nec enim potestis ad eum appropinquare, nisi ipse prius sua ad vos accedat peccate & gratia.

Christus peccatores praevius.

Intentio appropinquantis.

Non potest peccator ex se venire ad Dominum, oportet praevieniat Dominus, quaerat, vocet, illuciat, attrahat. Unde si appropinquantes erant publicani & peccatores, ipse prius appropinquabat & trahebat eos. Dum ferrum videtur currere post magnetem, non est vis in ferro ad appropinquandum, & sese magneti conjungendum: sed in magne est vis ad trahendum, & efficacia talis ut huius attractus obediatur ferrum. Magnes est mysticus Christus Dominus. Si peccatores duri ferreaeque corda ad eum accedunt, certe ipse est qui trahit oeculta virtute sua, ipse est qui animum & vires suppeditat ad veniendum. Hoc tibi persuade factum in his peccatoribus & publicanis, quia non tam gestu corporis quam gestu cordis eum sequebantur Evangelizantem, ejus cordi appropinquabant per conversionem, ejus vestigiis inhaerebant per humilitatem, ejus monitis obtemperabant per obedientiam & pietatem. Erant enim appropinquantes, ut audirent illum, inquit textus Evangelii.

cus. Non erant appropinquantes ut caperent eum in sermone, ut Verbum in verbo reprehenderent, ut insidias ei struerent, sicut soliti erant Pharisei; sed ut verba vitae ejus ex ore perciperent. Viderant & audierant quanta cum manufactura quoslibet ad se accedentes suscipere, alliceret, instrueret: quanta cum efficacia spiritus sermo divinus ab illo prodiret: ideo in eius se gratiam & familiaritatem insinuare conantur, poterantque dicere sicut Apostoli, Domine verba vitae aeternae habes, ad quem ibimus? Merito igitur appropinquabant ut audirent illum: & qui per peccatum longe a Deo recesserant, per Christum rursus Deo prope fiebant. Peccatum infinitam distantiam quodammodo inter Deum & peccatorem constituit, per Christi gratiam distantia illa tollitur, & Deo appropinquatur, dicente Apostolo: Eratis aliquando longè, Ephes. 2. nunc autem in Christo Jesu facti estis propè, in Sanguine Christi.

Dignum verò notari est, quòd Publicani ad Christum convertuntur, ei que appropinquantes Pharisei vero tanto magis avertuntur ab eo, & rectorum abeunt. An non & hi peccatores sunt sicut Pharisei & illi? Cur ergo fastidiunt Medicum? Cur deteriora sunt ad ejus verbum? Haec nempe differentia erat, quòd Pharisei erant occulti peccatores, alii vero erant publici. Pharisei exterius apparebant justi, interius invidia, superbia, ambitione erant pleni. Hoc autem ferè contingit, quòd illi qui exterius parent ut probi & pii, & nihilominus interius sunt depravati & impii, tardiores sunt ad conversionem, quam qui palam improbi habentur. Unde S. August. tract. de consensu virginitatis a ferit, peccatum publicum licet sit gravius secreto, facilius tamen quandoque curari quam secretum. Quia secretum & occultum peccatum nemo reprehendit, publicum vero reprehendunt, tum superiores, tum alii, quibus cura incumbit: imò & omnes quadam publica voce illud arguant; sic fit ut qui publice peccaverunt, tandem tot impulsu reprehensionibus, & à propria conscientia redarguti ad cor redeant & resipiscant, sineque felicem consequuntur. Certè id licet in Samaritana, quae ibi vidit peccata sua Christo esse nota, ad illorum poenitentiam est conversa. Item in Rege Davide: ipse enim quando ejus fuit secretum peccatum poenitentiam non egit, immò illud celare cupiens homicidium adulterio junxit, occidens Unam gladio filiorum Ammon. At postquam vidit suum detegit peccatum, & à Nathan cognitum, illo se verè argente. ejus culpam, per amara ductus est poenitentia. Haec est ratio, cur crebrò Deus permittat quaedam publicari peccata, ut scilicet hac ratione confusi quae patratunt, convertantur. Imple facies eorum. Psal. 34. gnominia, & quarent nomen tuum. O quam multo putantes latere in facibus suis nihil minus quam de resipiscencia cogitabant: illico autem prodente se peccato, illud derelictum sunt & desideraverunt: Hoc permittit iusta Dei poenitentia, quia nullo modo



scriptum; & si legere novimus, hæc est scriptura exarata toto hoc libro mystico: *Hic peccatores recipit.* Hoc gestat in fronte scriptum, in manibus, in pedibus, in oculis, in corde, in toto corpore. Hoc vulnera tamquam characteres, hoc clavi tamquam calamus aut penicillus, hoc sanguis ejus instar atramenti aut colorum, viva eiter exprimeze censentur omnibus legere volentibus. O igitur felix, o suave, o melleum verbum: *Hic peccatores recipit!* O verbum quod suaviter animum afficit, reficit; & nunquam defecit bene ruminatum, sed semper sapidum est peccatori, millies licet repetitum. Et quid esset de nobis miseris & infirmis, qui ad colubrici sumus & propensi in peccatum, si hic peccatores non reciperet? Hoc igitur confirmat, solatur, erigit nos in spem, ne in profundum desperationis labamur & aborbeamur, quia *Hic peccatores recipit.* Ideo possumus dicere & cum Psaltere: *Adjutor & susceptor meus es tu, & in verbum tuum super speravi.* Quasi diceremus cum illo: *Audivi Domine quia misericors & miserator, patiens & multæ misericordiæ & verax, & quod non solum adjuves peccatores vocando, inspirando, illuminando, excitando, ut à peccatis surgant, sed etiam excitatos & surgere volentes, mirè amanter suscipis, deducis, amplexaris, veniam & perfectam reconciliationem cum amore eis exhibendo.* Ideo in verbum tuum super speravi, adjecti semper quamdiu spero ad sperandum in te & in verbo tuo: & licet sæpe sapius cadam, tamen non despero, quia tu non fastidis, sed dignaris recipere peccatorem etiam frequententer cadentem. *Suscipe ergo me Domine peccatorem secundum eloquium tuum, & vivam, & non confundas me ab expectatione mea, quia copiosa apud te est redemptio & propitiatio. Tu es Deus poenitentium, & non posuisti poenitentiam pro iustis, sed propter me peccatorem, aut Manasse orans.*

*Psal. 118.*

*Psal. 118.*

**Pars III**  
*Cur Christus man-  
dicavit  
etiam pec-  
catoribus.*

**N**eque verò solum hic peccatores recipit, sed etiam manducavit eum ille. Epulum ei gratissimum præparavit peccatores in conversione sua, epulum equidem spirituale, quod tamen ad umbra-ri voluit corporali epulo sibi sæpe permisso & annatu ipsiusmet ab eisdem præparato. Sic ubi Matthæum se sequi iussit, instruxit ei convivium Matthæus, de quo S. Ambrosius in Luc. *Toto post Dominum vestigio incedit, convivium quoque magni exibat apparatus. Qui enim dominico Christum recipit interno, maxime delectationis tuæ exultationem passitur voluptatum. Dominus latenter, illic ingreditur, & in eius qui creditur eum bibit affectu.* Et quis cum eum Matthæus recepit, iterum idem a Pharisæis murmuravit: *Quare cum Publicanis & peccatoribus manducavit & bibit?* Respondet his verbis S. Ambrosius: *Serpentina vox ista est. Hanc primana vocem serpens emisit dicens: Eva: Quis usque vobis dixit Deus; Nolite manducare de omni ligno? Ergo Publicanus sui venena diffundunt quid dicunt? Quis cum Publicanis, peccatoribus manducavit & bibit? hæc S. Ambrosius.*

Similiter cum Zachæum ad gratiam & salutem vocaret hic idem qui peccatores recipit, voluit manducare eum illo: *Hodie, inquit, in domo tua oportet me manere, festinans descendere.* Cum que excipus fuisset hospitio & convivio, dixit: *Hodie huic domui à Deo salus facta est.* Quod autem ipsum non tam cibum corporalem, quam spiritualem quæretur cum peccatoribus conversando, perspicuum est ex responso quod dedit Apostolis suis, cibum ei afferentibus quando alloquebatur Samaritanam. Dixit enim: *Ego alium cibum habeo manducare, quem vos nescitis.* Quis vero ille cibus? Audi ex eius ore: *Meus cibus est ut faciam voluntatem Patris mei.* Cibus ergo ejus electus & ferulorum gratissimus, conversio peccatorum erat; & hæc erat voluntas Patris ejus, ut illos ad lucem & fidem adduceret, & ad vitam æternam per fidei viam introduceret; sicque non perderet quemquam ex omni eo quod dedit ei Pater.

*Luc. 19.*

*Joan. 4.*

*Joan. 6.*

Quod si ejus cibus est & epulum deliciofum, conversio peccatorum, jam non solum cum peccatoribus manducavit, sed etiam de peccatoribus sibi cibum acceptissimum præparavit. De cinere enim poenitentia nostræ admixto lacrimis contritionis panem sibi conficit deliciofum; & cor contritum ac humiliatum mensæ suæ apponit tamquam ferulum igne doloris & amoris excoctum, & palato suo lapidissimum. Sic ergo divina gratia felamur peccati nostri per poenitentiam condire novit & excoquere, ut pro deliciofis dapibus illud ejus mensæ feriat.

*Cibus Christi peccatoribus.*  
*Gen. 27.*

Audi figuram hujus rei. Dum Isaac Rebecca maritus de venatione cibum ex peteret, illa mox iussit sibi afferri duos hædos per manus filii sui Jacob. Quid de hædis agere velit, miratur Jacob, Respondet ipsa: *Ut faciam ex illis Patri tuo escas quibus libenter vescitur.* Sicque per hunc cibum volebat Patris gratiam & benedictionem conciliare filio suo Jacob. Hædi in Scriptura peccatores significat, ex illis escas parat Patri æterno acceptissimas sapientia divina, tamquam de venatione sua. Ipsa est instar Matris Rebecca, quæ novit condire per gratiam, quod inspidum est per naturam; unde Franciscus Abbas de hac sapientia divina sic loquitur: *Verè sapiens mulier que sic novit hædos coquere, sic condire ut etiam gratiam cervorum coquant aut superent. Gaudium enim est Angelis super peccatore magis quam super nonaginta novem iustis. Sic, sic facit gratia, hæc ille. Epulum ergo Deo, epulum filio Dei, epulum Angelis Dei gratissimum præbet conversio peccatoris. Ideo etiam prodigio revertente instruitur convivium, ad quod convocantur amici, & in illo non solum dapes deliciofissimæ apponuntur, sed etiam resonat dulcissima harmonia. Sicut ergo non sufficit tantum Christo recipere peccatores, sed jucundum etiam ei est epulari cum illis, & ex peccatis eorum ac lacrimis cibum potumque sibi conficere. Lacrima poenitentium vinum sunt Christi & Angelorum, dicebat S. Bernardus.*

*Gen. 27.*

Vide

*Iniquum Pharisaeorum murmur.*  
 Vide ergo quam inique murmurant Pharisaei, quod Dominus cum peccatoribus conversetur. In peccatore enim tria consideranda sunt, natura, peccatum, penitentia. Natura compatendum est. Peccatum odio dignum est. De penitentia gaudendum est. Illi Pharisaei solum peccatum respiciant: hominum qui peccarant fragilitati non compatiebantur: eorum respicientiam volebant atterere. Propterea eos despiciant praesumptione & superbia inflati, & temere de Christo judicabant cum eis conversante, & ad eorum conversionem incumbente. Quod ipsum adhuc non nulli faciunt, facile in temerarium iudicium profluentes, dum vident Religiosos, pioque viros alloqui, & inire gratiam cum peccatoribus, in eorum bonum & salutem.

*Exemplum temerarii iudicii.*  
 Vitalis Monachus (ut habetur in vitis Partum, parte 1.) quandoque agebat circa prostibula. Existimavit quidam & temere iudicavit illum cum divertere ob libidinem: unde illi quadam die de prostibulo egredienti colaphum impexit, & dixit: Uf- quequod illator Christi, non emendas te ab his nequitis? Illic vero a demone obsessus fuit. Adibat enim Vitalis illa loca, ut meretrices a quaestu meretricio & turpi corporis usu revocaret: pecuniaque pacificabatur vel ubi noctis continentiam: ipse vero in angulo orans pernoctabat, & sic multas converterebat ad Deum. Quae res plane patuit cum percussorem suum a demone liberavit, ubi culpam suam agnovit. Unde in cellula viri sancti inventa est haec scriptura: *Viri Alexandrini molite ante tempus iudicare quoad usque veniat Dominus.*

*Conversatio cum impiis effluvia.*  
 Neque tamen dicimus unicum cum pravis licere conversari; quia consortium pravorum quantumlibet bonos quandoque corrumpere potest. Etiam Medici qui agros contagiosos visitant, nonnumquam periculum incurrun. Christus Dominus sciebat securitatem suam ab omni agritudine sciebat quod sine periculo venam illis posset tangere & secare, educendo corruptam sanguinem ad eorum sanitatem. Noverat perfectam suam lucem, quodque tamquam Sol lucens in virtute sua posset per sterquilinum radios fundere sine inquinatio- ne. Hoc non omnium est, quia tria sunt quae homines solent perdere, malum consilium, malum consortium, malum exemplum: sic ut exemplum bonum, consortium bonum, consilium bonum multos adjuvant ad salutem consequendam. Sed quia magna est infirmitas, & ad malum pronitas in hominibus, facile fit ut iter multitudinis lubricum sequantur, & abripiantur consuetudine & exemplo pravo, ita ut illud videantur efficacius ad malum, quam exemplum pium ad bonum. *Facile malum dicitur seductori, qui dare dissimulat Praeceptoris, inquit S. Bernard. serm. 77. in Cant.*

*Malum consortium & exemplum hominum perdunt.*  
 Non immerito senior quidam, ut refertur in Vitis Partum, cerens quemdam juniorem Monachum in gradientem tabernam indoluit, & foris expectans quarebat occasionem cum alloquendi,

zelo salutis eius impulsus. Illum igitur egredientem advocans, & in locum semotum a turba du- cens, sic affatus est. *An nescis frater quod Angelicum gestes habitum? An ignoras te aetate juvenem esse? An te latet quod hostis nobis semper vera tendat? Interim tu populus ingredieris, ubi multa audis qua nec licet audire, multa cernis qua nec decet cernere, sed sique tibi inter viros & mulieres. Observe te in Christo, desine hic in locis commorari, sed redi ad locum tuum, ad cellam penitentiae, ubi possis salvare animam tuam. Indignatus juvenis respondit, & male respondit: Vade senex in viam tuam, Deus non quavis nisi cor mundum & purum. Tunc in caelum tollens manus senex exclamavit: O Domine Deus tibi sit gloria, jam quinquaginta annis in solitudine dego, & necdum cor mundum habeo: hic vero juvenis in locis dissolutis frequenter egens cor illibatam conservat. Ita sapienter & efficaciter perstringebat omnes qui sine necessitate in consorcio agunt dissolutorum hominum; nec putant id officere cordis puritati, cum sit raven facile maculam contra- here a pravis consortiis & exemplis.*

Sic contingit etiam quandoque Confessarios, Concionatores, Pastores, Sacerdotes, & Religiosos viros (quibus conversandum est cum hominibus hujus saeculi ad salutem eorum procurandam) quandoque abripi ad mores saecularis, mundanos errorumque, quasi ad cursum fluvii. Contingit, inquam, ipsos qui tamquam sal alios condire debuerant, cum illis evanescere, & foras projici. Sal enim insipidum, evanidum, & insaturatum ad nihilum valet, ultra, nisi ut projiciatur foras, & conculectur ab hominibus, dicit Dominus. Nempe tanta est fragilitas humanae mentis, tanta etiam vis pravae consuetudinis in malum trahentis, mali que exempli ad vitam multitudinis pellentis animas instabiles.

Notat Abbas Lintiacensis in Roseto r. ca. 3. cau- sas varias cur a primivo splendore & sanctitate Ordines Religiosi deciderint. Cluniacenses, inquit, defecerunt propter otium, Cistercienses propter negotia nimia ruralia, Praemonstratenses ob nimia Milliarum & chori onera. Benedictini ob nimias opes; Filii amplae Religionis suffocavit Matrem devota Religio. Ordines autem Mendicantes ob nimiam cum saecularibus familiaritatem, quia nimis se populo immiscuerunt: *Commixti sunt inter gentes, & didicerunt opera eorum, & factum est illis in scandalum.* Hoc fecit etiam de aliis Ordinibus verum est, quod conversatio nimia cum saeculari hominibus eos conspurcavit aliqua parte, vel conspersit aliquo saeculi pulvere. Unde dictis conformiter Seneca sapienter pronunciat: *Inimica est multorum conversatio. Nemo non nobis aliquot vitium, aut commo- dat, aut imprimit, aut necesse est illi sit Socrus, Catoni, Latio excusare membra suam. Dissimilis multitudo potuisset. Adeo nemo nostrum, qui maxime concinnata ingenia, fieri imperium virtutum: tam magno comitatu venientiam potest convictor delicatus paulatim emorvas & molles vicinas*

Matth. 3.

Car Rel- giosi a pri- mo flore decia- rina.

Psalm 105.

Seneca ep. ad Lu- cili c. 7.

vicinus d'oes cupiditatem habet malignus omnes quam-  
tenus candido & simplici animo subiginem suam af-  
fricat. Hæc itaque omnia nos mouent (quibus  
quandoque instar Charrini incumbit cum peccato-  
ribus agere & conuersari) ut nobis ad vigilemus,  
ne nos potius illi trahant ad sæculi ad multitudi-  
nis viam, quam nos ad viam Domini, & Cæli eos  
trahamus.

Conclu-  
sio.

Concludamus & dicamus: Ita, ô Domine Iesu,  
fac semper hanc cum hominibus misericor-  
diam, ut trahantur à te peccatores, & curant post  
te: quare eos ut quarant res, appropinqua eis ut  
appropinquent ad te. Recipe peccatores, quan-  
tumlibet irascatur malignis animus invidorum,  
quantumlibet fremat invidia malignorum, & dæ-  
monum. Sit semper & agnoscatur ab omnibus ti-  
tulus iste tuus honorificus: *Hic peccatores recipit.*  
Recipe peccatores, ut desinant esse peccatores.  
Recipe confitentes, ut redeant ad te mundi & pœ-  
nitentes: quia quando eis appropinquas, sanctifi-  
cas. Tu non recipis peccatores adhuc peccan-  
tes, sed recipis peccatores pro venia peccan-  
tes: nec enim criminis susceptores, sed hominis,  
non peccati, sed peccatoris, sicut fluit cera à facie  
ignis, sic pereant peccatores à facie tua. Pereant,  
sed bene & feliciter pereant, dum perit peccatum,  
& corda eorum liquefiunt à facie ignis contritio-  
nis: dum sic perierint ut peccatores, suscipies eos  
ut pœnitentes, & sicut iusti, & manducabis cum  
eis: epulabuntur in conspectu tuo. Apponant tibi  
cor contritum conditum lacrimis, tu non despicias  
ferculum istud gratissimum; appone tu eis vicissi-  
m gratia tuæ & misericordiarum cibum verè mise-  
ricordiarum epulum, sicque epulare cum eis, & ipsi tecum,  
donec pertingant tandem ad beatitudinis tuæ æ-  
ternam epulum, ubi nullum amplius patientur  
murmur, nullam contradictionem; sed resonabit  
iugiter sola vox exultationis & confessionis.

EADEM DOMINICA.

LECT. 4. *Quis ex vobis habens centum oves, si perdidit  
Tripart. unam ex illis, etc.*

PARS I. *De 99. o-  
uibus &  
una per-  
dita.*  
Dignatus est Christus Dominus Phariseis ob-  
directantibus respondere, coque suaviter &  
efficaciter redarguere, ostendendo triplici simili-  
tudine, quam Deo sit accepta peccatorum conuer-  
sio, & Angelis ejus: quodque quærendi sint illi cum  
eis conuersando, ut ad pœnitentiam & ad Deum  
adducantur. Proponit primò similitudinem Pa-  
storis ovem exerrantem sollicitè requirentis, & ea  
inventa amicos & vicinos ad gaudii locietatem ad-  
vocantis. Proponit deinde similitudinem mulieris  
drachmam perditam quolibet domus angulo ac-  
censa lucerna in vestigantis, & illius tandem reper-  
tæ lætitiâ similiter communicantis cum suis  
consodalibus & vicinis. Proponit denique simili-

tudinem Patris filium prodigum reuertentem ex-  
oculantis, amplectentis, festivoque epulo cum  
geniali plausu excipientis. Explicabimus autem  
hic paucis parabolas Pastoris ovem quæritantis  
& quoniam super Evangelio, *Ego sum Pastor bonus,*  
Dominicæ III. post Patena sufficienter dedimus  
rationes, cur Christus Pastor dicatur, nosque oves  
regis ejus, ideo hic non repetemus, sed Lectorem  
illuc remittimus.

Queritur autem hic primò, quid significet  
nonaginta novem oves, quæ in deserto dimissæ di-  
cuntur, quid etiam unicuique quæ aberrans requi-  
ratur? In primis rectè dicitur cum Theophylacto,  
& aliis Interpretibus per centenarium numerum  
(qui perfectus est) intelligi numerum perfectum  
electorum; qui Christo tamquam pastori instar  
ovium rationalium committuntur. Per nonaginta  
novem oves quæ in deserto, sive in pascuis relin-  
quantur, significari iustos qui in gratia vivunt, &  
ibi dimittuntur quasi in solitis pascuis; per unam  
vero ovem significari peccatorem, qui licet electo-  
rum sit ex numero, adhuc tamen aberrat, &  
propterea à Pastore sollicitè requiritur; hoc est à  
Christo, qui sollicitam habet curam, ut impleat-  
ur numerus electorum; quia & ideo venit in hunc  
mundum, nec desistit quærere, donec ovem erran-  
tem reperiret, & reportaret. Itaque ipse est simili-  
lis homini, cui grex esset centum ovium, & licet  
una solum ex illis erraret, magna tamen sollicitu-  
dine illam requireret, magnoque gaudio de illa re-  
perta exultaret. Igitur parabola hoc sensu intelli-  
genda foret de grege hominum iustorum, compa-  
rando illum cum uno peccatore societatem iustor-  
um relinquentis; non verò de grege Angelorum,  
comparando illum cum homine sive cum humana  
natura tamquam ove errante. Unde Christus Do-  
minus concludens dicit: *Ita dico vobis, gaudium  
erit Angelis Dei super uno peccatore pœnitentiam a-  
gente.* Ubi indicat Angelos potius intelligi per vi-  
cinos illos qui advocantur ad congratulandum  
Pastori de ove reperta, quam per nonaginta no-  
vem oves.

Secundò nihilominus dicendum, etiam rectè  
intelligi per 99 oves Angelos in Cælo relictos, per 99. Ovem  
unam autem quæ perierat naturam humanam in sume An-  
Adam perditam, ad quam requirendam venit Chri-  
stus insatigabilis. Hæc est concors multorum anti-  
quorum Patrum sententia, Cyrilli, Ambrosii, Hi-  
larii, Gregorii, Bedæ, Augustini Glossæ veriusque,  
& aliorum. Hanc etiam sententiam confirmat al-  
tera parabola, quæ agit de decem drachmis, & de  
una perditâ ex illis; ita ut novem drachmæ nò per-  
dita, sint novem Chori Angelorum, una autè per-  
dita, sit humana natura, quæ etiam sicut Angelica  
imaginem & signaculum Dei: tamquam ejus drach-  
ma impressam habeat. Centum ergo oves habuit  
Deus cum homines & Angelos creavit, una perit  
ex illis, homo scilicet qui respectu magis numeri  
Angelorum non nisi unam conficere censuræ re-  
spectu

1.  
99. Ovem  
sunt iusti  
in gratia  
viventes.

Dop-  
scop-  
man-  
hoc  
bola.  
i. o.  
re p-  
sua.